



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Acta Synodalia Osnabrvgensis Ecclesiæ, Ab Anno Christi
MDCXXVIII.**

Brogberen, Johannes

Coloniæ Agrippinæ, 1657

Pars I. De Mvnere Episcopali. Officium Episcopi, post verbi praedicationem,
consistit potissimum in impositione manum, & visitatione Ecclesiarum.

urn:nbn:de:hbz:466:1-14298

P A R S P R I M A.

DE MVNERE EPISCOPALI.

Officium Episcopi, post verbi prædicationem, consitit potissimum in impositione manuum, & Visitatione Ecclesiarum.

Episcopi munus in duobus potissimum consistit. primum, in impositione manuum, quæ est Ordinum Ecclesiasticorum collatio, ac institutio ministrorum: deinde, in Visitatione Diocelesos. Vtrumque beatissimus Apostolus, ad Titum, dilectum filium, Cretæ Episcopum, scribens, complectitur: Hujus, inquit, rei gratia reliqui te Cretæ, ut ea, quæ desunt, corrigas, & constitutas per Civitates Presbyteros; sicut & ego disposui tibi. Alterum verò idem Apostolus, cum à Mileto discessum maturaret, prefecturus Hierosolymam, ac certus quod amplius haud visurus esset faciem eorum omnium per quos transiit prædicans regnum Dei, vocatis illo ad se ab Epheso Ecclesia Presbyteris, Apostolica vehementia inculcat, cum ait: Attende vobis & universo gregi, in quo vos Spiritus sanctus posuit Episcopos, regere Ecclesiam Dei, quam acquisivit fanguine suo. Et quoniam scio, inquit, quod intrabunt post discessionem meam lupi rapaces in vos, non parcentes gregi, & ex vobis ipsis exurgent viri, loquentes perversa, ut abducant discipulos post se; propterea vigilate. Cui muneri ut ambo illa Apostolici ordinis eximia luminaria, nimirum Petrus ac illius collega Paulus, satisfacerent; alter transiit & inviit universos, alter perambulavit Syriam & Ciliciam, confirmans Ecclesias, præcipiens custodiæ præcepta Apostolorum & Seniorum: nimirum non tantum verbo, sed & exemplo Episcopos commonentes, ut, qui speculatoriæ in Dei Ecclesia constituti sunt ac appellantur, Provincia sibi mandate vigilissime intendant, fidem, conversationem, mores & vitam singulorum explorent examinentque, ac provideant, ne alicubi quis in ea vocatione, ad quam à Deo vocatus est, torpescat.

C A P. I. *De impositione manuum, quæ est Ordinum Ecclesiasticorum collatio, ac institutio ministrorum.*

Impositio manuum, est ostium per quod intrant, qui Ecclesiarum gubernaculis admoventur. Proinde, quia ejusmodi ostium dili-

genter custoditum non est, factum est ut tanta mala, quæ sentimus, agminatim in Ecclesiam Dei irruperint. Hujus januae vigilantissimi custodes fuerunt Apostoli Christi, & quotquot ipsis succederunt Apostolici Episcopi.

In primis verò divinissimus Paulus, qui, dilectissimus discipulus Timotheo ac Tito, ejusmodi custodia formulam ex professo præscribit. Porro Apostoli, cum esset in locum Iudeæ proditoris deligendus duodecimus collega, statuerunt duos ex his viris, qui cum ipsis congregati fuerunt in omni tempore, quo intravit & exiit inter eos Dominus Iesus, probatissimos, electionem alterutrius Domino committentes. Ad hæc, cum essent deligendi

*I Tim. 3.
Tit. 3.
Act. 1.*

primi illi Ecclesiæ Diaconi, Apostoli, convocata discipulorum multitudine, dixerunt: Considerate fratres ex vobis viros boni testimoni, plenos Spiritu sancto ac sapientia, quos constituamus super hoc opus. Atque illi (cum placuisset hic sermo) coram omni multitudine elegerunt Stephanum, virum plenum fide & Spiritu sancto, ac reliquos sex, quos statuerunt ante conspectum Apostolorum: qui dein non temere, sed orantes, illis imposuerunt manus. Denique de Barnaba, per Apostolos ad Antiochiam destinato, refert Scriptura: Quoniam Apostoli miserunt Barnabam, quod esset vir bonus & plenus Spiritu sancto ac fide. Quibus exemplis edocemur, quanta cura ac delectu manus impositionem fieri oporteat. Beatus Apostolus inter alia Timotheum sic alloquitur: Commenda, inquit, quæ audiisti à me per multos testes fidelibus, qui & idonei erunt alios docere. Et iterum: Manus nemini citò imposueris, neque communicaveris peccatis alienis. A qua regula cum longè lateque discessum sit, affectibus privatis fibi omnia vendicantibus, morbus obortus est pluribus, atque ita radicatus, ut vix spes mendandi relicta sit. Neque tamen, in mediis & exulceratissimis morbis, de remedio desperandum erit, sed tanto magis de pharmaco idoneo cogitandum providendumque.

*2 Tim. 2.
1 Tim. 5.
Act. 11.*

C A P. II. *Ad certum titulum, Ecclesiæ Ministros Canonice deligendos ordinandosque.*

Quoniam verò primitivæ Ecclesiæ facies, quod ad institutionem ministrorum attiner, paulatim immutata fuit; nimirum doctatissimis templis, fæderotisque ac certis stipendiis, ministribus, constitutis: vistum subinde

*Ex Con-
cil. Latero-
ran. sub
Alex. 3.*

L 3 sanctis

sanctis Patribus non absque multa ratione fuit, ne quisquam sine certo titulo, qui illi vicum necessarium suppeditaret, ad majores, quos & sacros Ordines vocamus, ordinaretur; adhibita etiam non levi severitate in Episcopos, qui secus facere presumfissent. Quæcum sic se habeant, reformationem ordiri hinc fuerit necesse. Videndum itaque in primis est, ut collationes Ecclesiasticorum Sacerdotiorum seu Beneficiorum, veluti electiones, presentationes, & institutiones Clericorum ac ministrorum, maxime eorum qui cura præficiuntur animarum, quæ scientia scientiarum merito appellanda est, rite ac canonice fiant; utque maximi illi & terribili abusus & vita, quæ in diligendis personis Ecclesiasticis, non vulgari cum detrimento Ecclesia, sè penumero committuntur, quoad fieri potest, tollantur. Quod tunc demum futurum est, cum, repulsis ac submotis indignis, digni tantum ac idonei admittentur, qui & velint & possint Officium (propter quod Beneficium datur) gerere & explere. Scriptum est enim: Qui non laborat, non manducet.

2 Thess. 3.

CAP. III. Manum nemini cito imponendam.

QUAMOBREM omnibus, qui præficiendi Ecclesiasticis munis ministros potestatem habent, illa (quam paulo ante retulimus) Paulina admonitio semper ob oculos versabitur: Manus cito nemini imposueris, neque

I Tim. 5.
S. Leo. c.
miramur.
G. I. difit.
Ex Conc.
Tote.

communicaveris peccatis alienis. Si enim ad honores mundi, sine suffragio temporis, sine merito laboris, indignum est pervenire, & notari ambitus solent, quos probitatis documenta non adjuvant; quam diligens & quam prudens habenda est dispensatio Divinorum munerum & cœlestium dignitatum! Certe olim Excommunicatione percellebantur, qui Ecclesiastica Beneficia contulissent indignis.

CAP. IV. Humani affectus & venalitas in Beneficiis Ecclesiasticis execrabilis.

NVILLA itaque consanguinitatis ratio, nulla propinquitatis contemplatio, facere debet hoc, ut populi gubernatio alii quam meliori tradatur. Cestent omnes affectus humani, qui sua, non quæ Iesu Christi sunt, querunt. Maxime vero Sacerdotiorum ac Beneficiorum venalitas execranda est, quod, qui sic præficiunt ac præficiuntur, inter ementes & vendentes columbas, quos Dominus flagello, de funiculis facto, è templo ejicit, ac mensas numulariorum & cathedras vendentium columbas evertit, computentur. Si enim is dignus Sacerdotio creditur, cui non actionis merita, sed præriorum copia suffragatur; re-

Hieron. in
Num.
Philip. 2.

Matth.
21.
Ioan. 2.
Marc. 11.
Lucas 19.

stat, ut nihil sibi in Ecclesiasticis honoribus gravitas, nihil sibi defendat industria, sed totum auri prophanus amor obtineat. Et, cum fides simul & vita in Sacerdotibus & ministris eligenda sit, quæ tandem vita & quæ opera Sacerdotis illius erunt, qui honores tanti Sacramenti, per præmium convincitur obtinere?

CAP. V. Beneficia Ecclesiastica, prius quam vacent, nemini promittenda.

CVM olim Conciliari institutione vetitum fit, ne ulla Ecclesiastica ministeria seu Beneficia promittantur alicui priusquam vacent; tum, ne quis mortem proximi, in cuius locum & Beneficium se crediderit successorum, desiderare videatur; tum, quod turpe sit Divinique plenum animadversione judicari, si locum in Ecclesia Dei futuræ successionis expectatio habeat, quam ipse etiam seculares leges condemnare curarunt; idque vero quum nunc paßim præter omnem perlonarum deletum, designatis etiam ex nomine Beneficiis, in qua stipulatores successuri sunt, pessimo exemplo fiat: tollendus abusus est, idque non aliter, quam secundum canonicam ordinacionem, ne quis solitus sit, non tam de Officio, quam de Beneficio viventis.

CAP. VI. Dignis tantum Beneficia esse conferenda.

QVI Sacerdotia Ecclesiastica pleno (ut ajunt) jure potestatem conferendi habent, alium factæ à se manuum impositionis discussore non expectant. Præcipua ergo illis habenda cura est, idque maxime in præficiendis Parochis, ne Apostolici præcepti prævaricatores ac rei fiant. Quis enim non intellegit, quam gravi culpa se obstringat is, qui in causa est, ut cæcus cæco ducatum præstet, nimis ambobus in foveam delabentibus? Despiciunt (inquit Malachias Propheta) nomen Domini, qui cæcum, qui claudum, qui languidum animal ad immolandum offerunt, & propterea graviter à Domino increpantur. Quis vero cæcum animal offert, nisi qui indecum in docti locum ordinat, magistrum facit qui vix discipulus esse poterat; claudum vero, qui, lucra terrena quærentem, locat in dignitate, veluti pedem in diversa ponentem? cui potest inferri illud: Visquequo claudicatis in duas partes? languidum denique, qui vitiosum pro Religioso habet, quique tardum & pigrum probat patientem.

Matth.
15.
Lucas 16.
Malac. 1.

Hieron. in
Malachi.

3 Reg. 18.

CAP. VII. Idoneos tantum in Prelatos eligendos esse.

SACRIS Canonibus saluberrime constitutum est, ut omnes Cathedrales Ecclesie, Collegia,

Ex Concil. gener. c. ne pro defens. H. de elect. dione.
Ex Concil. Basileensi Hieron. Symm. ad Lau- rent. c. vi. lissimus.
I. q. I. Ex Concil. Basilens.

legia , & Conventus , ad Dignitates vacantes , ex sua congregatione idoneos eligant Prelatos ; atque eos demum sacris administrationibus dignos esse existimant , quorum omnis ætas per disciplinas Ecclesiasticas cucurisset. Iam , ut primitiva Ecclesiæ censura mitigationem recipiat discretionis , is saltem aliorum curæ præficiatur , cuius comparatione grecæ cæteri merito dicantur. Quomodo enim fieri potest , ut non vilissimus reputetur , qui est honore præstantior , nisi quoque scientia & sanctitate præcellat ? Atque utinam hic penitus , & nautis & navigio deferendis tandem imminere pericitandi necessitatem.

C A P . V I I I . *In eligendo , etas , mores , literatura & facer Ordo , spectanda.*

Denuo. 5.

Q Vapropter Electores solicii sint , ut tam præficiant , qui Officio credendo facti ac posse possit ; virum ætatis legitimæ , moribus gravem , literarum scientia præditum , atque in sacris Ordinibus constitutum : scientes , ipsis , in re tam gravi , vel dolo vel negligenter agentibus , non minorem , quam malis illis Pastoribus ac Prælatis quos ipsi præficerunt , in districto Dei judicio imminere peccatum. Neque enim impunè peccatum in Spiritum sanctum , qui in omni electione , ut autor , invocatur. Neque inultum permittet Deus , si quis jurejurando , quod sub electionem præstatur , frustra nomen Domini usurpaverit. Ut omitamus poenas Canonicas , quæ perperam eligentes manent.

C A P . I X . *Electiōnem sinceram esse oportere.*

Hier. 8. q. I. c. lii ces. & c. si ergo.

A Blit ergo omnis Simoniæ pravitas , omnis personarum respectus. Cessent potentiorum preces , que minus æquiparantur , omnisque impressio ; cesset ambitio ac dominandi libido. Ad hæc , procul absint omnes illicitæ obligationes , quæ sub electionem aut paulo post , ab eligendo vel electo , haud præter Simoniæ labem extorquentur. Et procedat de vultu Dei opus ipsum ; ut scilicet , qui præstantior est omnibus , qui doctior , qui sanctior , qui in omni virtute eminentior , hic eligatur.

C A P . X . *In confirmatione electionis quæ expendenda.*

E Lectione facta , Nos & cæteri , qui confirmationis munus impendemus , officio Nostro , Deo volente , non deerimus ; discussum scilicet diligenter & formam electionis & electi merita , priusquam Nostras imponamus manus.

C A P . XI . *Per Patronos , idoneos praesentari oportere.*

P Atronii , tum Ecclesiastici , tum Laici , quos hac de re diligenter admoneri curabimus , videbunt , ut idoneos (quemadmodum ante diximus) Archidiaconos præsentent. Compertum liquidem habemus , quam hic supra modum pectetur. Sunt enim , qui tantum filios ac consanguineos , seu aliter ipsis addictos , citra illum delectum aut discrimen scientiæ , morum ac ætatis , Beneficiis Ecclesiasticis admovent. Sunt , qui admotis nomen tantum relinquunt , censem autem atque Ecclesiasticos redditus sibi , ausu quodam sacrilego , (nihil minus quam de Ecclesiastico ministerio cogitantes ,) usurpant. Quæ omnia , cum Sanctorum Patrum functionibus damnantur , multorumque malorum in Ecclesia Dei cauila sint , posthac non committi , sed sublata penitus esse , suamque vim Canonici Reguli constare , ex animo cupimus.

Alexand.
3 c. ex
sequen.
de insit.

C A P . XII . *Quid incumbat Archidiaconis.*

A Rchidiaconi Nostri , ad quorum curam inter alia pertinet , ut Nostro nomine Parochias ordinent , ac ministros Ecclesiæ , ipsis presentatos ac oblatos , inquirant ; scient , sui munieris esse , negligentiam Patronorum supplerent. Cum enim oculi Nostri sint , dispiacent , ne quis , aliqui indignus , sub alicius presentationis prætextu irrepatur ac admittatur. Nec contenti , quod post edita , ter publicata , nusquam compareat qui presentationem oppugnet ; eorum etiam , qui ipsis presentantur & ad instituendum offeruntur , vitam , mores , & eruditioinem accurate per vestigabunt ; ac , nisi comperti illi fuerint , muneris , cui præfici postulantur , pares , fore nefas putabunt , stulte potentibus assentiri. Neque existimabunt , id temporis , quod hunc Examini impudent , perdi ; cum nequaquam possit collocari melius ; maxime quod officium eorum , hoc ipsum ut fiat , magnopere requirat.

C. &c.
Ad hæc,
de offic.
Archidi-
c. dinc.
finali. de
eleti. in 6.

C A P . XIII . *Aliquot abusus Officiuum inter visitandum , corrigendi.*

E T , quoniam ad Nos quorundam querela perlatum est , nonnullos Officiales Archidiaconorum Nostrorum , investituræ nomine , plus æquo interdum petere , quofdam etiam institutionem ipsam , potentibus , vel temere negare vel saltem in longum differre tempus , quamlibet legitima sit præsentatio & idoneus is qui præsentatus est : curæ Nobis erit , inter visitandum de his diligenter inquirere , &c , quæ virtuosa comperientur , Archiepiscopali autoritate , communicato tamen cum Archidiaconis

conis nostris (ut par est) confilio, quoad ejus fieri poterit, corrigere.

CAP. XIV. *Omnis, qui de Beneficiis disponunt, sui Officii admonendi.*

Referre etiam non parum existimamus, omnes, qui de Sacerdotiis seu Beneficiis Ecclesiasticis quamcunque disponendi potestatem habent, speciatim ac diligenter admoneri, ut hisce Synodis Canonibus per omnia obtemperent, nisi in eo ipso, in quo deliquerint, puniri velint.

CAP. XV. *Moderatio, Patronos Laicos respiciens.*

Attamen, quod ad Patronos Laicos attinet, hanc censuram etenim moderamur, ut, si Archidiaconi Nostris presentatos ab eis, quod iniuste sint, instituire recusent, licet ipsi, in utilium loco, alios iterum intra tempus legitimum presentare, modo tamen dolus absit.

CAP. XVI. *De officio Vicariorum in Pontificalibus.*

Potquam de illorum officio diximus, qui Sacerdotiis seu Beneficiis Rectores admovent, Ecclesiasticis Ordinibus initiandos; restat, ut de Vicariis Nostris in Pontificalibus, qui huic muneri (in partem solicitudinis Nostrae vocati) potissimum delegati sunt, paucis dicamus. Nobis quidem, ut ceteris omnibus Pontificibus, in Aaronis persona loquutus est Deus: Homo per familias qui habuerit maculam, non offeret panes Deo suo, nec accedat ad ministerium ejus: si cæcus fuerit, si claudus, si vel parvo vel grandi vel torto naso, si fracto pede, si manu, si gibbus, si lippus, si albuginem habens in oculo, si jugem scabiem in corpore, vel herniosus: omnis qui habuerit maculam, non accedat offerre hostias Domino, nec panes Deo suo. Quid per allegoriam sermo divinus significare voluerit, maximus ille cælestium rerum pervestigator Paulus, in Epistolis, quas Timotheo ac Tito, ambobus naçcentis Ecclesie Episcopis, inscriptis, gravissime explicavit. Quum enim mandasset, ut per Civitates Presbyteri constituerentur, statim subjecit, quales substitui vellet & oporteret. Oportet (inquit) constitendum sine crimine esse, sicut Dei dispensatorem; non superbum, non iracundum, non violentum, non percussorem, non turpis luci cupidum; sed hospitalem, benignum, prudentem, sobrium, justum, sanctum, continentem, amplectentem eum, qui secundum doctrinam est, fidelem sermonem, ut potens sit exhortari doctrina fana, & eos, qui contradicunt, arguere. Diaconos similiter, pudicos, non bilingues, non multo vino deditos, non turpe

Levit. 21.

Th. I.

1 Tim. 3.

lucrum sectantes, habentes mysterium fidei in conscientia pura. Et, ut iterum nos officii nostri commonefaceret, subjecit: Et hi probentur primum, & sic ministrent, nullum crimen habentes.

CAP. XVII. *Quid Episcopis potissimum curandum sit.*

Incumbit itaque Nobis, ut probemus pri-
mum eos, qui Ordinibus, maximè sacris, iniatri desiderant. Curæ ergo erit Vicariis Nostris in Pontificalibus, manus impositio-
nem auspicatur, ne hic quid desit, neve Or-
dines facros alter quam secundum regulam Euangelicam impartiantur. Ut adjutores in
hoc examinationis munere habeant, non re-
pugnamus; modo primæ solicitudinis partes
apud eos sint, nec, quæ ipsi ante omnia agen-
da erant, in alios penitus relegent, interim
ipsi de omnibus incerti: per hæc tamen Su-
fraganeis Nostris nihil præjudicantes, quo mi-
nuis ipsi, quemadmodum videbitur opportu-
num, de hujusmodi examine faciendo dispi-
cant. Ut vero summatim multa complecta-
mur, dispiacent de Ordinandorum ætate, vi-
ta, scientia & affectu.

CAP. XVIII. *De ætate Ordinan-
dorum.*

Olim Diaconus ante xxv, Presbyter vero ante xxx ætatis annos, non ordinabantur. In Viennensi vero Concilio, sub Clemente quinto, Ordines sacri minori etiam ætati con-
cessi sunt; nempe Subdiaconatus xvii, Dia-
conatus xx, Presbyteratus denique xxv æta-
tis annum nato. Num ad antiquos Canones regredi referat, futurum Concilium despiciet. Nos interim admonemus, Viennense Conci-
lium, tum ex aliis Canonibus, tum ex seipso interpretandum: nimur ut ætas quidem illa sufficiat, modo tamen cætera quoque, quæ Canones plus quam ætatem respiciunt, haud desint; nempe literarum scientia, &
morum gravitas.

CAP. XIX. *Tessimonium vitæ ac do-
ctrinae, per initiantos sacris, ex-
hibendum.*

De doctrina, vita, ac moribus, Suffraganeus Noster testimonium præceptorum, qui ipsos in literis instituerunt docueruntque, eorum quoque apud quos, sacris initiantus, potiorem vitæ partem transfigit ac diversatus est, exigere non omittet, ne manifeste crimi-
nosi irrepant; idque ad certani formulam, quam delineari curabimus. Dñm enim pri-
scam Ecclesiam respicimus, summo desiderio tangimur, priscos illos sanctissimos mores, non tantum verbis sed & re ipsa, in Ecclesiam, Carthago,
quod

*Ex Cen.
Arelat.
Ex Vien-
nensi.*

*Concl.
Clem. ge-
neralem
de æta.
& qualit.*

*Ex eodis
Concl.
Clem. te-
dem terti.*

*Ex Late-
ram.*

*Ex 3.
Carthago.*

*Hieron. in
Levitt.*
quod in Nobis est, reducendi. Illa certe ve-
tuit, ne Episcopus, sine testimonio Clericorum
& plebis, Clericos ullos instituat. Hinc illæ
interrogationes solemnes præambula: Sunt
justi? sunt cauti? atque alia similes. Neque
frustra scriptum legimus, quod, quanquam
Dominus de constitudo Ioseph Principe
præcepisset, eundemque elegisset, nihilo seciū
tamen convocari Synagogam voluisse.

C A P. XX. *De eruditione Ordinando-
rum inquirendum.*

ofee 4.
s. Dionys.
D E eruditione quoque & scientia disqui-
ret, ne statim à stiva ad Ecclesiastica mu-
nia confugiat. Per Prophetam Dominus
dixit: Quoniam tu scientiam repulisti, & ego
repellam te, ne Sacerdotio fungaris mihi. Sub-
stantia siquidem Sacerdotii, sunt eloquia di-
vinitus tradita, uti Dionysius ille Magnus ap-
posito dixit. Quæ vero in Parochis, quæ in
cæteris, eruditio requirenda sit, post dicemus.

C A P. XXI. *Videndum, quo affectu
ad Ordines accedatur.*

Phil. 2.
*Aug. 8.
gu. I.
c. sicut in
Ecclesia.*
Matth. 6.
Q Vo denique affectu ac proposito acce-
dant Ordinandi, videndum, accurateque
investigandum est; num videlicet Dei causa
tantum, an potius suæ commoditatis gratia, ad
Ordines capessendos adspirent, querentes
quæ sua sunt, non quæ Iesu Christi. Quid enim
est sua querere & non quæ Christi sunt, nisi,
cum tales non gratis Deum diligunt, non
Deum propter Deum querunt, temporalia
commoda frequentes, lucris inhiantes, & hono-
res ab hominibus expertentes? Quisquis ergo
talis est, non Dei filius, nec ovili Christi ido-
neus Pastor futurus, sed mercenarius est. Vbi-
que Deus hominis intentionem & mentem
spectat, quam Christus in Evangelio lucernam
corporis atque oculum vocat. Qui si simplex
fuerit, totum corpus lucidum erit: sin autem
fuerit nequam, totum corpus tenebrosum erit.
Quare, si lumen (quod in initiando est) tene-
bræ sunt, ipsæ tenebræ quantæ erunt?

C A P. XXII. *Quanto temporis spa-
cio, ante majorum Ordinum receptio-
nem, initiandi se presentare debeant.
Item, quid initiandi tum secum alla-
turi sint.*

V T autem hic animus Vicariis nostris in
Pontificalibus eo exploratori fit, (neque
enim qualicumque assertioni statim tuto cre-
ditur,) operæ precium existimamus, ut, qui ad
facros (quos vocamus maiores) Ordines cap-
essendos adspirant, Quatuor temporibus, ut
vocant, quæ tempus impertitionis ejusmodi
Ordinum proxime precedunt, Vicariis nostris in
Pontificalibus se repræsentent, qui eos

(quemadmodum diximus) rogabunt, quid eos
huc permovere, an expenderint quid in hac
vocatione praefare oporteat, an huic voca-
tioni se sentiant posse respondere, & an spe-
rent, se, adjutore Deo, continere posse ac vel-
le; item, an affectu carnis huc ducantur, ut vi-
delicit in otio & suaviter vivant, opesve &
honores parent. Admoneantur quoque, ut
bene seipso explorent excutiantque, ne
quæ ad capiendos Ordines reverli fuerint,
Spiritu sanctum fraudent.

Eo ipso etiam tempore, Ordinandi testimo-
nium vitæ ac conversationis secum afferent, ut
Vicarii nostri in Pontificalibus, cum ex re-
sponsione, tum vita præcedente, colligere pos-
sint, an admittendi videantur; & num referat,
diligentius de vitæ testimonio, ante appetens
Ordinationis tempus, inquirere.

C A P. XXXIII. *Quale testimonium
afferendum.*

Q Vi Civitatem aut oppidum, Senatus; qui
verò pagum aut vicum incolit, Iudicii
eius loci, literas sigillatas, quæ gratis dabun-
tur, secum feret. Quæ ne cuiquam vel per in-
videntiam vel alium minus sincerum affectum
denegentur, prohibemus. Alioqui, adferens
documentum factæ requisitionis & denegati
testimonii, nec tamen incusatus criminis vel
defectus, ac idoneus per Vicarios nostros in
Pontificalibus repertus, nihilo seciū admitte-
tur. Qui vero non in oppidis aut pagis, in
quibus titulum naeti ac ministraturi sunt, sed
in longinquâ regione, moram traxerunt, hi
Canonici satisfacient institutis.

C A P. XXIV. *Die Mercurii, proxi-
ma ante susceptionem Ordinum, ex-
aminandi, qui initientur sacris.*

E T ut hæc omnia eo accuratius observen-
tur, visum Nobis est, ut Ordinandi, maxime ad Sacerdotii gradum, quod die Sabbati-
no ex more Ecclesiastico fieri solet, die Mer-
curii proxime præcedente, ad Nostras Civita-
tes, ubi Vicarii nostri in Pontificalibus Ordines
ipsos facros impartient, se se conferant;
quo duobus deinceps sequentibus diebus, vide-
licet Iovis & Veneris, quos ejusmodi dis-
quisitioni peragendæ deputamus, Vicariis
nostris, ipsisque nostra autoritate in eo mu-
nere adjungendis Theologis, se repræsentent,
examinationeque eorum submittant.

C A P. XXV. *Neminem ab Examina-
tione immunem esse oportere.*

A Qua quidem neminem excipimus, es-
si magisterii titulum prætexat, nisi quem
publicum sit & vitam integrum egisse, & ea,
quæ

quæ Ordo impertiendus requirit, facile calle-
re. Quamobrem non solum Clerici, qui fe-
culares appellantur, sed & Religiosi, cuiuslibet
etiam professionis fuerint, hanc cenitram
experientur.

C A P. XXVI. *Cujus admonendi sunt,
pridie Ordinationis, initiandi
sacris.*

P Ridic Ordinationis, admonebit Vicarius
Noster in Pontificalibus iterum omnes,
quo se quisque discutiat; ne Officio se alliger,
cui non possit satisfacere; neve mentiatur
Spiritui sancto, aut impoenitenti corde accur-
rat, sed ore confessus ac spiritu contritus hu-
miliatusque, post perceptam sacrosanctam
Eucharistiam, Deo totus deditus accedat.

C A P. XXVII. *In minoribus Ordin-
ibus conferendis, qua cura
adhibenda.*

*Hieron. ad
Nept.* Q Vanquam, qui minores vocantur Ordini-
nes, tam exactam curam non requirant;
suo tamen modo, pro gradu & excellentia
Ordinis, omnium eorum, quæ diximus, ratio
habenda est. Quid enim indecorum magis,
quam admoveri infantes, qui non intelligent
quid agatur, immo ne capiant quidem quid
Clerici nomen & reliqua minorum Ordinum
vocabula significant? Quid turpis, quam
quod penitus analphabeti, ac interdum flagi-
tio (qui, ut legum civilium censuras ac poe-
nas eludent, tele impudentissime ingerunt,) in
maximam Ecclesiastici Ordinis ignomi-
niam, sacris initiantur? Qua de re nemo post-
hac Ordinibus hisce insigniendus est, nisi
quem & vita commendet, & literatura at-
tisque sit, pro ratione suscipiendo Ordinis,
sufficientis, ac recte sinceraque voluntatis.
Qui enim in Clericis alleguntur, rem profi-
tentur minime ridiculam; nempe se peculiari-
ter in fortē Domini aēcitos, quibus posthac
omnia terrena fordeant, ac sōlus Dominus
fors ac pars hæreditatis futurus sit. Cujus quo-
que, priusquam ordinentur, diligenter admo-
neri debent.

C A P. XXVIII. *Ab initiandis
nihil exigendum.*

V T autem Ecclesiastici Ordines summa
finceritate, omni quæstus suspicione,
omnis mali specie quam longissime submota,
conferantur; nolumus, ut ab initiatis quie-
quam, vel sigilli nomine, à Vicariis Nostris in
Pontificalibus exigatur, sed tantum Scribis
earum literarum, quæ Formatæ appellantur,
unus Albus solvatur: nam eos sumptus, quos
antehac Vicarius Noster in Dioecesi Colo-

nienſi Choraulium causa facete confuevit,
Nos deinceps pendemus. Non dubitamus in-
terim, Suffraganeos Nostros suis Vicariis in
Pontificalibus ita provisuros, ne quis justam
querendi causam inveniat.

C A P. XXIX. *Literæ dimissoriæ
nulli temere concedende.*

P Rohibemus quoque, ne Officiales Nostri
literas dimissorias, quæ vulgo Licentiatioria
Ordinandi vocantur, alicui temere conces-
sant. Illarum enim prætextu, qui suæ rudita-
tis & incitiae sibi consciæ sunt, Nostrorum
Vicariorum in Pontificalibus disquisitionem
subterfugiant, ac alio demigrant, ubi nullus
Canonicæ traditionis respectus habetur.

C A P. XXX. *Tituli Ordinandorum,
diligenter discutiendi.*

T Ituli quoque Ordinandorum discutiantur.
Plerique enim inventi sunt, qui, fit-
tis & emendatis titulis, ad Sacerdotii di-
gnitatem evečti, eandem turpiter prostituerere
potest coacti sunt, vendibles, quandocunque
dolosi spes refulerit nummi. Quorum nu-
merum, quod nihil fere aliud quam numerus
sint, imminui, plurimum referret. Inter hos
siquidem est, qui in plateis mendicat infelix
Clericus, &c., servili operi mancipatus, publi-
cam depofcit Eleemosynam: qui eo magis
à cunctis despicitur, quod miser ac desolatus,
justè putatur ad hanc ignominiam devenisse.
Inter hos est, qui in divitium ac nobilium do-
mibus securram aut mīnum aut morionem
agit; quem ab Officio retrahendum, Cartha-
ginense Concilium decernit.

*Hieron. ad
Ruf. &c.
Diat. 93.
diff.* C A P. XXXI. *Peregrini Clerici
quomodo admittendi.*

P Eregrini Clerici, Romæ aut alibi ordina-
ti, priusquam de Ordinatione sua ritè ade-
pta, deque vita, moribus, eruditione ac titu-
lo, fidem fecerint, ac commendaticias suorum
Episcoporum, suæque Ordinationis literas,
exhibuerint, repellantur. Quanta enim per
hos, qui evaganti licentia abutuntur, scanda-
la, animarumque pericula, & in Clero & in
populo frequenter eveniant, nemo est qui non
videat.

C A P. XXXII. *Odiosa Beneficio-
rum pluralitas in una eadem-
que persona.*

O Dioſa ſemper apud veteres fuit plurium
Sacerdotiorum ambitiona cupiditas, ne-
que ſemel generalibus Conciliis damnata.
In Chalcedonensi enim inter alia cautum
*Ex Chal.
eft,*

CELEBRATI,

PARS PRIMA.

137

*Ex Tol. c.
anno. 10.
q. 3.*

est, Clericum in duabus Ecclesiis conscribi non oportere; quod difficile videatur ut unus vicem duorum sustineat, & absurdum si promiscui actibus rerum turbentur officia. Id verò imprimis noxiū est, ubi plures Parochiæ seu Dignitatis uni Presbytero committuntur, quod solus per omnes Ecclesiæ nec Officium persolvere nec rebus earum necessariam curam impendere valeat. Quare tam eos qui de Sacerdotiis ejusmodi disponendi potestatem habent, quam qui ea, cœca cupiditate duci, ambiunt, commonitos volumus, ut suos affectus Canonici instituti submittant; qui vero Dispensatione Apostolica adversus hæc se tueri velint, ut causam dispensationis obtentæ, Deo comprobent. Neque enim sublimes atque admodum literatas personas suo privilegio nudamus, modò illo recte & secundum Deum utantur.

C A P. XXXIII. *Dispensationes inspiciendæ, ut occurratur abusibus.*

*Ex Conc.
gen. c. de
multa, de
Prabend.
& Dignit.*

I Cor. 10.

*Ber. ad
Eug.*

I Cor. 4.

Psal. 7.

*Ber. ad
Ruper.
cog.*

*Ex Conc.
Lug. c. ord.
de offi. ord.
lib. 6.*

*Hier. ad
Nepot.*

Quam impudenter plerique diplomatis ac dispensationibus, apud Sedem Apostolicam extortis, præter summi Pontificis mentem (qui & vult & debet porestat fibi concessa, non ad destructionem, sed ad ædificationem uti) abutantur, nullus est qui ignoret. Non prohibeo (inquit quidam vir pius) dispensare, sed dissipare. Dispensatio quidem credita est: sed hic jam queritur inter dispensatores, ut fidelis quis inveniatur. Quanquam apud illos maxima culpe pars residueat, qui, vel nulla vel minus legitima vel etiam ficta causa supplicatoriis precibus inserta, dispensationis techorum tandem eliciunt, quos apud Deum, qui renes & corda scrutatur, omnemque hypocrisim ac fraudem execratur, securos quis dixerit? Nemo tibi (ait idem ille quem jam citavimus) de dispensatione Apostolica blandiatur, cujus conscientiam Divina sententia tenet alligatam. Sed, quia pauci sunt in quorum conspectu est Deus, plerique vero qui sacra autoritate pro sua libidine passim abutuntur; fit, ut Lugdunensis Concilii, sub Gregorio X celebrati, non infalibus decretum, adverfus insolentiam ejusmodi hominum, in usum revocare cogamur: quo subnixi, cunctis, qui talibus diplomaticis fibi blandiuntur, necessitatem impone-

mus, literas suas Nobis exhibendi, visuris, num rite impetraverint, ac recte impetratis utantur. Et, ut quam maximè robustæ sint dispensationes istæ, curabimus tamen, ut menti Canonis ac summi Pontificis satisfiat: videlicet, ne animarum cura in his Ecclesiis, Personatibus, seu Dignitatibus, quas sub hoc prætextu occupant, negligatur, nec Beneficia ipsa debitibus obsequiis defraudentur.

C A P. XXXIV. *In resignationibus
ac permutationibus Beneficiariorum,
qua cura adhibenda.*

POstremo, quum Nobis haud clam sit, in resignationibus permutationibusque Beneficiariorum, multa ancipitia perjuria committi ab his, qui frequenter subito ac non præmeditati, aut ipse aut per suos Procuratores (id quod ejusdem reatus ac culpæ est) jurejurando ante manus impositionem testantur, in hujusmodi resignationibus seu permutationibus nullam Simoniae labem aut aliam illicitam intervenisse corruptelam, cum res crebro longe fecus habeat, per quod illi gravem in se Dei iram procul dubio provocant: majori cura, diligenterique, quam antehac fieri confuevit, pervestigatione prævia, hæc juramenta recipi convenient.

C A P. XXXV. *Præstat, paucos esse bonos quam multos inutiles Sacerdotes.*

ET ut cum Divo Clemente hoc caput concludamus, Melius est Episcopo, paucos habere Sacerdotes ac Ecclesiæ ministros qui possint digne opus Dei exercere, quam multos inutiles qui onus grave Ordinatori adducant.

C A P. XXXVI. *De Visitatione ultimo loco dicendum.*

DE Visitatione (quæ est altera muneris Nostri Episcopalis pars) hic dicendi locus non fuerit importunus. Expedientius tamen erit, hanc partem in ultimam harum Syndicalium institutionum classem rejicere, quod illuc tractetum commodius majorique cum fructu, nimis traditis jam atque expositis regulis, ad quas oporteat, veluti ad amissim quandam, Visitationem redigere, ordiri atque peragere.

PARS SECUNDA.

CAP. I. *De Officio privato ac publico, vitaque ac moribus Clericorum generatim.*

Qui exacte volet cognoscere Clericorum officium & vitam, is Divum Hieronymum ad Nepotianum, ac ceteros

Patres, non minus eruditione quam vita fanaticimonia claros, qui de hac re ex professo justis voluminibus scripsérunt, perlegat. Sat Nobis in præsentiarum erit, carptim quedam delibare, ex quibus Clerici Nostri summatim deprehendant, quam longe lateque à recta semita